

Headline	Keselamatan tanah tinggi terjamin tahun depan		
Date	16. Dec 2008	Language	MALAY
Media Title	Utusan Malaysia	Page No	5
Section	Dlm Negeri	Article Size	94 cm2
Circulation	238082	Frequency	Daily
Readership	833287	Color	Full Color
		AdValue	1871.09



Keselamatan tanah tinggi terjamin tahun depan

KUALA LUMPUR 15 Dis. - Tahap keselamatan di kawasan tanah tinggi akan lebih terjamin apabila lima agensi di bawah pemerhatian Kementerian Sains dan Teknologi menggabungkan data alam sekitar masing-masing dalam satu pangkalan mulai awal tahun depan.

Menterinya, Datuk Dr. Maximus Ongkili (**gambar**) berkata, dengan peng-



gabungan data tersebut, sebarang pergerakan tanah akan dikesan lebih awal, seterusnya membolehkan amaran dikeluarkan dengan pantas.

Beliau berkata, lima agensi itu ialah Pusat Remote Sensing Malaysia (Macres), Mimos Bhd. (Mimos), Agensi

Nuklear Malaysia, Jabatan Meteorologi Malaysia dan Aeronautic Technology Sdn. Bhd. (ATSB).

"Penyepaduan data-data dari kesemua agensi ini membolehkan keadaan tanah dipantau dalam masa sebenar," katanya pada sidang akhbar di sini hari ini.

Hadir sama, Timbalannya, Fadillah Yusof serta Presiden dan Ketua Eksekutif Mimos, Datuk Abdul Wahab Abdullah.

Dalam perkembangan sama, Abdul Wahab berkata, selain memantau keselamatan di kawasan tanah tinggi, kerjasama yang diketuai Mimos itu juga bakal menggalakkan sektor pertanian dijayakan secara komersial.

Menurutnya, ini kerana data-data yang diperolehi dikategorikan sebagai tepat, seterusnya membantu para petani merancang jadual penanaman masing-masing.